

全上古三代秦漢三國六朝文

全後魏文卷五十八

烏程嚴可均校輯

闕名三

御射碑

皇帝曰太延元年十二月車駕東巡逕五迴之險邃覽崇岸之竦
峙乃停駕路側援弓而射之飛矢踰于巖山刊石用讚元功

水經注

洛州鄉城老人佛碑

夫法界無相相而十方旨趣無言言而法界故入世者具大悲已
濟羣生出世者行六度而除八難是曰前馳羊口後口口牛欲使
智水無湍愛河永竭然口齋主啟請示滅雙林正化隨遷業煩無
救但口口思念雕素真形波斯口心鑄茲神狀今吉万歲卅四人
等口口敬造真儀一龕上祚皇家沐霑靈識頌曰

出有入口口機不見出空入口益物爲先不來不去無動無遷妙
矣口口口能惻焉漆園初起雙樹息言鐫口口容万代流傳大口

口口十六年正月廿一日功訖

碑拓本前有卅
四人姓名不錄

中書令祕書監兗州刺史鄭義碑

永平四年

公諱義字幼麟司州樊陽開封人也肇洪源于有周胙母弟曰命
氏桓曰親賢司徒武曰善職竝歌緇衣之作誦乎奕世降遂于漢
鄭君當時播節讓曰振高風大夫司農創解詁曰開經義迹刊圖
史美灼二書德音雪猷碩響長列揚州曰十策匡時司空豫州曰
勳德著稱高祖略恢亮儒素味道居眞州府招辟莫之能致值有
昔弗竟君道陵夷聰曜虔劉避地冀方隱括求全靜居自逸屬石
氏勃興撥亂起正徵給事黃門持節遷侍中尙書贈揚州刺史曾
祖豁曰明哲佐世後燕中山尹太常卿濟南貞公祖溫道協儲端
燕太子瞻事父睦仁結義徒績著靈邊拜建威將軍汝陰太守縣

樂千載聯光百世。自非積德累仁。慶曆無窮。其孰能傳輝踵美。致
如此之遠哉。可謂身沒而名不朽者也。公稟三靈之淑氣。應五百
之恆期。乘和載誕。文明冠世。篤信樂道。據德依仁。孝弟端雅。寡言
愍行。六籍孔精。百氏備究。八素九丘。靡不昭達。至乎人倫禮式。陰
陽律厯。尤所留心。然高真沈默。恥爲傾側之行。不與俗和。絕于趨
向之情。常慕晏平仲東里子產之爲人。自目爲博物不如也。蘊斯
文于衡泌。延德聲乎州閭。和平中舉秀才。荅策高第。擢補中書博
士。彌旦方正自居。雖才望稱官。而乃歷載不遷。任清務簡。遂乘閑
述作。注諸經論。撰話林數百。莫不立契聖理。超異恆儒。又作孔顏
謠靈巖頌。及諸賦詠。詔策辭清雅博。皆行于世也。旦才望見陟。遷
中書侍郎。又假員外散騎常侍。陽武子南使宋國。宋主客郎孔道
均就邸設會。酒行樂作。均謂公曰。樂其何如。公荅曰。哀楚有餘。而
雖正不足。其細已甚矣。而能久于均嘿。然而罷移年。而蕭氏滅宋。

雖延陵之觀昔詩鄭公之聽宋樂其若神明矣朝廷召公使協皇
華原隰斯光遷給事中中書令總司文史敷奏惟允國之律令是
所議定公長子懿邕容和令器望兼資早綜銓衡能聲微著敦詩
悅禮尤精易理季子道昭博學明雋才冠祕穎研圖注篆超侍紫
幄公行于前吏部祕書隨其後凡厥庶寮莫不欽其人也于時有
識比之三陳後年不盈紀懿給事黃門侍郎太常卿使持節督齊
州諸軍事平東將軍齊州刺史道昭祕書丞中書侍郎司徒諮議
通直散騎常侍國子祭酒祕書監司州大中正使持節督光州諸
軍事平東將軍光州刺史父官子寵才德相承海內敬其榮也先
時假公太常卿熒陽侯詣長安拜燕宣王廟還解太常其給事中
中書令侯如故縱容鳳閣動斯可則冠婚喪祭之禮書疏報問之
式比之制矣民肯行矣雖位未槐鼎而仁重有餘太和初除使持
節安東將軍督兗州諸軍事兗州刺史南陽公德政寬明化先仁

惠不嚴之治、穆如清風、耕桑有敬讓之高、朝市無鞭撻之刑、卽道之美、不專于魯矣。太和中徵祕書監、春秋六十有七、寢疾薨于位。凡百君子、莫不悲國秀之永沈、哀道宗之長沒。皇上振悼、痛百常往、遣使贈襚、策贈有加。諡曰文祭、曰太牢。曰太和十七年四月廿四日、歸葬乎熒陽石門東南十三里三皇山之陽、于是故吏主簿東郡程天賜等六十人、仰道墳之緬邈、悲鴻休之未刊、乃相與欽述景行、銘之玄石、曰揚非世之美、而作頌曰、

爰鑒往紀、稽覽前徽、有賢有聖、靡弗應時、繇實契妣、旦亦協姬、於穆鄭公、誕叡應期、伊昔桓武、竝美司徒、恭惟我君、世監祕書、三墳剋闡、五典允敷、文爲解首、學實宗儒、德秀時哲、望高世族、灼灼獨明、亭亭孤邈、式胄三雍、鄒風再燭、作岳河兗、澤移草木、慶靈長發、繼葉傳光、君旣挺發、盾亦含章、文義襲軌、朱紱相望、刊石銘德、與日永揚、

碑拓本

兗州刺史賈思伯碑

夫璇□□因方祇召□緒□□既啟廉□□□德□□□
□□風□□□□□□□□□□使君□源遐緬勳業崇
深識照天璣沖光警智冰清玉映有夷齊之操莅政□化□□
□□□□□□□□□□作得青蕃流愛屋之歌垂芳河
濟欣來蘇之詠可謂動眾化□□□□□□盛□□□□
□□□□□□□□刊方來何述前治中從事史東平內史□昌伯
東平□祖髡長□□又□山□□□□□□□□□□
威將軍治中從事史吳興沈預民□徐貞思等鑲石鐫□□徽万
□

君諱思伯字士休武威姑臧人也晉太師賈他之後□□太傅誼
□□□□□□□□□□□□□□九世祖敷前魏青龍中爲幽州
刺史行達□州□州事因忠喪亡遂□□□□□□□□□□

□□□□□川刺史高祖朕□事兼州別駕宜都王司馬曾祖
宏□有令譽未宦早喪祖□□□□□□□□□□□□青
州□□錄本州□中正州主簿齊郡太守君童觀之中卓然岐嶷
親鄰執綺□□□□□善文賦慷慨□志□□張良□□超悵致
□□太和中起家爲奉朝請尊□□得優游雅素逍遙集□□□
□□□高誼□求□□□□□□雖年始弱冠便□然公輔之□
□稍遷揚烈將軍□□校尉□前軍將軍□□仍授輔國將軍□
□□□□□□□左□□□□夜勤王匪躬斯著遐邇欽風縉
紳引領除河內太守召親老□□□除□□□□□□尋
□□□將□一載□召拜滎陽太守辭不獲已遂恭斯授官任未
期風教達□□□□□□□□□□澤漸□年方之我
君□有慙德矣尋除持節督南青州諸軍事征虜將軍南青州刺
史□□□□□□□□□□□□□□所頃之丁父憂復召拜

光祿少卿將軍如故君諒闇在躬宿昔皓髮繼□□□幾□毀□
□□哀□□□嘗□□□□□財賑施親疏周給門姪長幼靡
不贍卹等其榮悴均其豐約土□□□除持節督兗州諸軍事左
將軍兗州刺史于時州土荒饑連歲不登又境上之民好懷去就
君按之曰法□之曰□□□□在優平賦□□其□□□□歲
稔□□既實禮義用興關境懷仁外鄰□附民庶欣歌士女□詠
仰

照灼英徽蟬聯□□德楷世□仁惟□矩聲溢遐□芳流遠□動
□□□□□□□□謨資□韶氣繪藻□華綺績雕思三□
□州淄澠別味思□二□□□□□續既□□□□良海沂換
□□鄭懷芳□□□□□義彰詠兼系管□晨甘棠撫□河濟
飾光□服治隆王趙才超張陸化湛煙荆風□□屬□□既領憲
□□曰移□猛相資惠和並布威厲秋霜澤乎春露巖栢□空丘園

知慕異域□恩□鄰裡附□謠載□聲教□□□□民庶未
融敬惟德化于此知隆□□□永載芳風

神龜二年歲次己亥四月戊辰朔廿日丁亥訖功大義主翟旭仁

義主□人令曹安都 義主姜甫德

碑拓本

魯郡太守張猛龍清頌碑

君諱猛龍字神回南陽白水人也其氏族分興源流所出故已備
詳世錄不復具載□□□盛□鬱于帝皇之始德星□□曜像
于朱鳥之閒淵玄万壑之中巉巖千峯之上奕葉清高煥乎篇牘
矣周宣時□□張仲詩人詠其孝友光緝姬□中興是賴晉大夫
張老春秋嘉其聲績漢初趙景王張耳浮沈秦漢之閒終跨列土
之賞手章世□君其後也魏明帝景初中西中郎將使持節平西
將軍涼州刺史瑛之十世孫八世祖軌晉惠帝永□中使持節安
西將軍護羌校尉涼州刺史西平公七世祖素軌之第三子晉明

帝太監中臨羌都尉平西將軍西海晉昌金城武威四郡太守遂
家武威高祖鍾□涼州武宣王大沮渠時建威將軍武威太守曾
祖璋僞涼舉秀才本州治中□□西海□□二郡太守還朝尙
書祠部郎羽林監祖興宗僞涼都營護軍建節將軍饒河黃河二
郡太守父生樂□□□□□□□□□□歸國青衿之
志白首方堅君體稟河靈神資岳秀桂質蘭儀點弱露已懷芳松
心□□□□□□□□□□自□□明若新衡之當春初荷
之出水入孝出弟邦閭有名雖黃金未應無慙郭氏友朋□□交
遊□□□□達蒙幽人表年廿七遭父憂寢食過禮泣血情深
假使曾柴更世盜異今德旣傾乾覆唯恃坤慈冬溫夏清曉夕承
奉家貧致養不辭採運之勤年卅□丁母艱勺飲不入偷魂七朝
罄力盡思備之生死脫時當宣尼無愧深歎每事過人孤風獨超
令譽日新聲馳天紫已延昌中出身除奉朝請優遊文省朋儕慕

其邪尙朝廷已君蔭口如此德口宣暢已熙平之年除魯郡太守
治民已禮移風已樂如傷之痛無怠于夙宵若子之愛有懷于心
日是使學校剋脩比屋清業豐桑勸課田織已登入境觀朝莫不
禮讓化感無心草石知變恩及泉木禽魚自安勝殘不待除年有
成朞月而已遂令講習之音再聳于闕里來蘇之歌復詠于洙口
京兆五字無已剋加河南二尹哉可若茲雖名位未一風同口口
且易俗之口黃侯不足比功宵魚之感密子寧獨稱德況乃辭金
退玉之貞耿拔葵去織之信義方之我君今猶古口詩口愷悌君
子民之父母貴恐韶犧遷影東風改吹盡地口庶逆深沚慕是已
刊石題詠已旌盛美言口能式聞口口庶揚休烈口口辭曰
氏煥天文體承帝肩神秀春方靈源在震積石千尋長松萬刃軒
冕周漢冠蓋魏晉河雩岳秀月起景飛窮神開照式誕英徽高山
仰止從善如歸唯德是蹈唯仁是依栖遲下庭素心若雪鶴響難

雷口音遐發天心乃眷觀光王闕浣綬紫口承華烟月妙簡口口
剖符儒鄉分金沂道裂錦鄒方春明好養溫而口霜乃如之人貴
國之良口口口口口口口口口口之恤小大目情口口口洗濯此
羣靈雲褰天淨千里開明學建禮脩風教反正野畔讓耕林口口
口口口口口口口口口口口口夜可改雷我明聖何口勿翦恩深在民
何口鳥愜風化移新飲河止滿度海迷津勒石口口永口口口口
本末云正光三年

正月廿三日訖

龍驤將軍營州刺史高貞碑

正光四年六月

君諱貞字羽真勃海脩人也其先蓋炎帝氏之苗裔昔在黃唐是
爲四嶽爰逢伯夷受命于虞舜曰典朕口口口口口口口口口口
周克殷有大功于天下位爲太師俾侯齊國世世勿絕表乎東海
其公族有高子者卽其氏焉自茲已降冠冕繼及世濟其德不實
其名祖左光祿大夫勃海敬公純嘏所鍾式誕文昭皇太后是爲

世宗武皇帝之外祖、考安東將軍青州刺史莊公、有行有禮、克荷克構、卽文昭皇太后之第二兄也。君稟岐嶷之姿、挺珪璋之質、清量發于載卞、秀悟表乎齒齒、黃中通理之名、卓爾不羣之目、固已殊異公族、見稱于匠者。至于孝曰事親、則白華不能比其潔、友于兄弟、則常棣無曰方其盛、敬讓著自閭閻、信義行于邦黨、若夫秉心塞淵、砥礪名教、伏膺文武、不藉而成、則綴軌于前脩、同類于先達者矣。雖綺襦執紼、英華于王許、龍馬流車、陸離于陰鄧、而不曰富貴驕人、必曰謙虛業已、是故夷門識慕、蹇步知歸、我德如風、物應如響、弱冠已外戚令望、除祕書郎、倏隣閭而來儀、贈石渠而式啟、于是縱容校文之職、飄飛鵝鷺之間、容止此而可觀、清風茲焉已穆、旣而重離載朗、東朝始建、杞梓備陳、璠金必剖、僉求其可、帝曰爾諧、遷太子洗馬、夙夜惟寅、嬪茲儲后、仰敷四德之美、式揚三善之功、同禁聰堦、亡有出其右也。于時六宮無主、百姓未繫、周爰

大邦岡踰華似。曰君姊有神表淑問。拜爲皇后。君威愈重。口愈冲。龍日益。權日損。由是有少君退讓之風。無長淵驕奢之患。故赫赫之望。具瞻允集。楨幹之期。匪朝伊暮。而不幸短命。春秋廿有六。曰延昌三年歲次甲午。四月己卯朔廿六日乙巳。薨疾卒于京師。二宮悲慟。九族悼傷。同位駿奔。遐邇必至。天子迺詔有司曰。故太子洗馬高貞器業始茂。方加榮級。而秀穎未實。奄彫夏彩。今宅兆有期。宜蒙追陟。可特贈驥驤將軍營州刺史。曰旌威雋。其墓次所須。悉仰本州營辦。臨葬又特給東園龍輜。加諡曰懿。凡我僚舊。爰及邦人。咸曰君生而玉質至美也。幼若老成至慧也。孝友因心至行也。富貴不驕至謙也。君曰此終亦曰此始。烏可廢而不錄。使來者無間焉。迺相與採石名山樹碑墓道。其詞曰。

厥緒皇□□□堯咨四岳周命呂望惟高惟國世有龍光自
茲作氏不實其芳於鑠光祿饗茲馭繫赫矣安東純嘏斯屬或女

或妹匪娥伊僕陟彼昭陽光我邦族山川降祉餘慶不已敬公之
孫庄公之子如琇如瑩爲山伊始人知其進莫見其止古人有言
膏粱難正於乎我君終和且令牧已謙謙與物無競孝友固心能
久能敬爰始來儀濯纓纓沼翹羽儲局其容皎皎方搏九霄載飛
載翔天道如何是久是天生榮死哀禮有加數曷用寵終英英旂
輅其人雖往其風可慕玄石一刊清徽永鑄大代正光四年歲次
癸卯口管黃鍾六月口口口口口口口口口口口口口口口口口口
中岳嵩陽寺碑

碑拓本

夫至理空淨非大智無已寄其言法身凝寂非妙信無已感其像
故託金軀於至信之國布慈雲於多士之世顯皮紙骨筆之重半
偈乍身之貴是已須達崇善填金弗恪優主仰戀鐫檀寫眞斯皆
聖人留軌爲物樹業故然乃遺形八万還昇慧頂有大德沙門生
禪師遊三空已歸眞泝法流而御世控三車而徵蹟秉常樂已係

軌隱顯無方浮沈崧嶺道風遠被德香普薰乃皇帝傾心巨師資
朝野望風而屈膝此山先來未有塔廟禪師將欲接引四生永辭
沸饑拯拔羣品遠離炎鑪卜茲福地創立神場當中岳之要害對
衆術之樞耳乃北背高峯南臨廣陌西帶濬澗東接脩林于太和
八年歲次甲子建造伽藍築立塔塋布置僧坊略溪梗概王公卿
士咸發布向之心凡厥庶民竝欣喜捨之志司空公裴衍昔在齊
都欽承師德願歸中國爲寺檀主本願旣從雲歸口口禪師乃構
千善靈塔一十五層始就七級緣差中止而七層之狀遠望則迢
亭巍峩仰參天漢近視則崑崙儼疑翬魄絕望自佛法光興未有
斯壯也禪師指麾成之匪日禪師背後雖復名工巧匠無能陟其
巉峭禪師大弟子沙門統倫豔二法師竝妙思淵蹟神智難量繼
軌四依津口口世覺華散藻戒香盞馥與諸同志巨師遣功成茲
洪業分稟口塲更寧兩塔竝各七層仰側師願殊特妙巧口創秀

出塔殿宮堂星羅茶布內外圖寫本生望日十口尊儀無量億數
皆範金爲相裁玉成象環碧熅爍丹彩絢耀色煥口口光輝宇宙
異類衆多罔知厝緒龕房禪室側口環連逕閣通門前後口口口
廊重複苑衍透迤規而有楷矩而有則溝雷雙泉四殖甘菓柳曼
長條松擎圓蓋池荷焰灼翠葉紅輝微波碧澈潺流潏潏異禽巡
獸飲啄相鳴碩學名賢踵武相望引房清誦列館法言洪鐘一扣
應真四集唄響八飛香煙似霧虔禮禪寂六時摩轍方爲眾聖万
劫之靈場八輩十方三世之苑囿也天平二年四月八日倫豔二
統乃刊石樹碑雕飾尊像贊貽嘉福顯彰聖儀高足大沙門統遵
法師忘懷體道戒珠皎潔仁智明敏器宇汪洋開妙思于三空之
表顯真如于四忍之外接引羣生舟航巨海率諸邑義繕立天宮
整脩嚴麗兼造白玉像一龕眷屬侍御剗剗鐫磨妙匠精巧三十
二滿八十好圓色揜耀靈光暉夜月召諸勝善仰資皇帝聖祚無

窮國境靈泰太后德被蒼口永保仁齡預捨一豪同登我淨若見
若聞等一常樂傷盡邊塵後窮來際咸鍾此福其詞曰

明明大聖收矇無著至寂至妙湛然常樂無像無言形名應世七
步舉手播宣苦諦聲光振動濯我塵滯化息雙林終歸實際金儀
言寢塔像勃興香尊避坐多寶踊昇爲模爲楷永劫祇承維大妙
門權機應傳英風秀朗玄通常住道德芳烈帝后欽裕構造靈基
朝野傾務遠摹妙喜近光祇樹唯聖唯賢爰依爰附億兆來蘇天
龍虔仰城芥千空此基無爽

碑拓本

禪靜寺刹前銘敬史君碑

公名口字顯儒平陽泰平人蓋虞舜之苗裔田敬仲之後也舜有
康哉之唱敬有和鳴之應德徽書史道合無名自茲以降世阜哲
人龜組繼襲英聲不朽公資黃中之雅氣稟川岳之粹靈苞一德
于懷抱淵萬頃于胸襟摻節端華風神雅峻博學多通無所成名

振徽音于綺歲播九德于冠年。豈伊一日千里實曰王佐之才解
褐奉朝請于時女后稱制權移外感黨樹私門謀危王室公乘義
發憤肆忠奉國結周公河西之略咨義真折角之恥掛冠辭闕杖
劍歸鄉虎步方州翹心日角孝莊統厯攝履還朝帝嘉迺功用僭
勳賞封秦平縣開國子除晉州別駕永安云季元兇伏罪殘醜遺
燼更相鳩率始資賈詡之計終成李郭之舉責罪宣平交兵象闕
長戟百萬胡騎千羣大丞相勃海王德隆齊晉作牧唐都志存匡
合克翦封鯨曰公器宇淵亮民望所歸特申情抱委曰經謀公深
識時雄罔計強弱豹變從時應機而起毗文贊武專按劍之功惟
籌野戰參斷鼇之力長蛇旣勤鼎鼎惟新策勳有典式酬功效進
封永安侯食邑千戶拜車騎將軍度支尚書俄遷都官尚書公位
居省闕職在樞機竭忠奉上庶情求瘼獎進英賢糾廢奸慝宿滯
必申頽綱由整今上德配玄黃融齊日月鑒殷徙御未遑外略秦

隴放命乘此悲陵駢率戎虜擾我生民汾晉邊遐偏被其毒惟捍
所寄事符賢桀迺曰公爲汾州刺史尋轉晉州刺史車騎侯如故
公秉麾出閫佩錦歸鄉明賞罰曰勸元戎敷仁澤曰字黎庶乘機
迭出智勇兼奮曰聿未周奸渠遁跡百城旆櫜四民歸堵敢飯之
喘不息安居之詠更新雖李牧禦邊細侯治雍不能尚也又燕司
失馭編荒作逆連黑山之眾峙黃巾之勢縱橫海表陸梁幽冀震
感皇衷命公是討公運六奇于帷幄忘七尺于戎行探淮陰平趙
之略協段頽破羌之謀廣張旗幟厲怒三軍紛紜馳突遂夷兇醜
凱旆而歸增隆寵秩拜儀同三司韓地邊嶮繡連蠻楚夏風攸改
影僞成俗密人不恭鴟張嶮壑黠虜因資玩威疆場歷政爲順莫
能芟遏百姓彫傷流離略盡天子悼兆民之荼炭惟邊鄙之須才
終朝忘食夜分不寢曰公略不世德效累彰除殘拯溺非莫可加
拜驃騎大將軍潁州刺史大都督潁州諸軍事儀同三司開國如

故公深惟臣辱職不求易惜過槃根薄言來踐輕賦斂已阜民財
勞吐握已招賢俊嚴治烽候宿拔輕肥摧火或舉豹騎爭先鬼出
電入梟囚萬計賞不踰功罰必當罪人物輻輳繼負雲歸玉燭登
年絃歌不息亦既艾夷世難功濟民生復惟升梁苦海運茲迷溺
敬崇三寶翹翬九劫望維衛已虛心念毗耶而延佇此地寔爲高
敞眺實遐隆遠乘山岳邇帶池閭惟金剛之妙宅諒神基之淨土
故平陽太守潁川太守使持節秦州刺史梁洪雅攝情物外宅志
道場爰建精廬鬱茲形勝水火亟交年歲攸積龍宮梵室彫落朽
故公迺勉率僚佐肅心營造遠訪名工窮盡巧麗建七層之寶剎
寫雙樹之光儀金瓊疊照朱紫聯華長廊四密廣夏清疏名僧遠
萃大法津流憑此至誠仰願皇帝陛下祚隆天地齊光九劫化漸
三塗率偕四果口日誓勛順終如始有滅有生無虧八万之因無
生無滅濟此娑婆之苦湛露易晞貞剛惟久式裁金石永昭不朽

作頌口

惟聖之後、達者克昌、代綰珪組、世有蘭芳、挺茲明德、隆贊霸王、齊
鑪管范、閑步蕭張、弱齡聰璫、岐年秀發、藉蔭聖童、仰齊初月、疾惡
如風、趣善如躡、百行斯兼、三省無闕、作牧西蕃、君臨南甸、荒服來
庭、鯨鯢由翦、政行保軌、化緇絲口、大啟千乘、職聯三鉉、發揚拯
厥、開藏道矇、飛薈架雨、寶劍分虹、月光照曜、日映玲瓏、業茲世福、永
樹來功、

維大魏興和二年龍集庚申

下缺
碑拓本

魯孔子廟碑

粵若稽古、邇后欽明文思、衡宰邁德、丕顯九功、咸事故能庸勳、親
賢官方式敘、惟大魏徙郡之五載、皇口興和之元年、天子曰、咨黃
賓出日、實唯濟岱、宣風敷化、義屬英良、君君理思、優敘實惟、舊德昇
朝、牧民物望斯允、必能絃歌鄒魯、勉振斯文、乃制口詔冊、拜我君

公使持節都督兗州諸軍事車騎大將軍當州大都督兗州刺史
召姓李字仲璇趙國柏仁人也其先帝高陽之苗裔往史之左
車之綿緜瑤光休彩赫奕于上齡若永嘉祥扶疎于季葉君曰資解
禍奉朝請俄除定州平北府法曹參軍仍歷口口功曹諮議參軍
事定相繼三州長史東郡汲郡恆農三郡太守司徒左長史中散
太中大夫營構都將離兗二州刺史所在恩口遺訓在民夫株桂
易地而貞馥不移君鳳舉雲翔風期如一斯寔天懷直置妙與神
同悵然不樂思仁未深刑平惠和言爲涓口口口階資寵口之榮
奕葉重光之貴氣韻優峻之奇政績緝熙之美旣備于史傳與清
頌故不復詳載焉君神懷疏爽風度絕人學業與口源竝深趣操
共寒松俱秀故其隸兗部也嘗未浹旬言觀孔廟肅恭致誠敬神
如在遂軼車曲阜飲馬沂流周遊眺覽尚想伊人口口慨然有報
功口口之意乃命工人脩建容像孔子曰從我于陳蔡者皆不得

及門也。因歷敘其本。曰爲四科之目。生旣見從。沒口口侍。故顏氏
口口口口于易辭起予者。商紛綸于文誥。是則聖人之道。須輔佐
而成。故曰吾有由也。惡言不聞于耳。所曰雕素十子。口列其側。今
于口口口口奉進儒冠。于諸徒亦青衿青領。雖逝者如斯。風霜驟
謝。而淪姿舊訊。暖似還新。至如廟宇凝靜。靈姿嚴麗。數仞之牆。無
曰踰七口之房。不能出。夫道繫于人人。亡則道隱。斯大義。曰之而
乖。微言。曰之而絕。今聖容肅穆。二五成行。丹素陸離。口口口口
口似微笑。而時言。左右若承顏而受業。是曰觀之者。莫不忻忻焉。
有入室登堂之想。斯亦化口之一隅也。天誕聖哲。作民師。口口風
口闕里播口口洙泗。至于歎鳳鳥之寂寥。傷河圖之莫出。屢應聘
而不遇。知道德之不行。乃正雅頌。修春秋。刊理六經。懸諸日月。口
口載之後。莫不遵其義。曰述作。服其訓。曰成身。咨可謂開闢之儒
聖。無窮之文宗者矣。此地古號曲埠。是唯魯都。雖宮觀荒毀。臺池

口口然其廟庭也。蘇質林于九冬，葺修祠于百刃，類神格之侵漢。
同梧宮之巨圖，至夫鴻隨欣下，則月秀霜枝，鷗逐春來，亦風開翠。
葉既口口口觀口亦足已安樂聖靈，是已無代不加脩繕，誠億載。
旨靈神君清明在躬，精思入微，功被人神，德貫幽顯，豈惟營飾宣。
貨經擲口口口口口口口如虔脩岱像，崇奉玄宗，敦素翦華，興存廢。
絕，視民如傷，納之仁壽，體亡懷口幽誼，任万物口爲心，豈直靈津。
孤灑虛光，獨散耆哉，夫一月之明，可彰百川，一人之鑒，從橫萬趣。
爰自刺舉，未或斯同，然丹青所目圖盛口金石所目刊不朽，口口
不鏤，珉璫焉述，府州佐口口口口令士民等略序義目，樹碑廟庭。
俾後來君子知功業之若斯焉，乃作頌曰：

二儀肇泮，人倫攸舉，邈邈玄王，誕茲聖緒，祖習堯舜，獻章文武，聲
溢九天，化潭八宇，祖習口口聖神盡妙，化潭伊何，口口存教，口同
麗景，轉天孤昭，無異岱宗，巖巖特峭，重山隱寶，深霞祕暉，在哀之

巢自衛言歸德生于子文實在茲舜倫禮樂剋敘書詩口口驚異
灰管流氣良木其摧緬踰千祀口存恕亡允諸靈意不有伊人熟
云脩置唯君體道布政優優白鳩巢室赤雀西樓仁罔不備智口
口周器冠後哲風邁前脩既繕孔像復立十賢誠兼岱宇勲盡重
玄仰聖儀之煥爛嘉鴻業之輝聯長無絕兮終古永萬億兮斯傳
興和三年十二月十一日口功碑拓本

邑主造像碑

大魏武定六年歲次戊辰九月己未朔十二日庚午邑主敬造石
像碑文

夫玄精曠遠妙理沖淡至道不廓幽蹟難覩故像物隱光出于懺
愆之中法相淪暉生于希夷之外瞰彼靈山結五子之遐想瞻茲
涿水闢九龍口成津瞻其堂宇若寫旻之帶曜靈尋之杳莫若游
霞之登九霄口口正覺焉可究哉故佛弟子邑主碑空人等導流
字木刻

荆宛儼光嵩洛據德衡口道冠中鼎然皆已生逢臨運形沈巨壤
識果業之可崇知冥限之有期恐朝露之命觀太陽而旭晞草木
之年隨秋霜而降墜怙恃先靈罔極之效弗展幼子遐裔覆育之
恩靡託遂罄竭家資率引邑義構像通衢崇慈寶業巖峩嶽谷之
濱條蕩平原之里背祀巨目樹形跨闌橋而建宇庶能使七世幽
魂游處天堂之中前亡後死免脫人難之苦爰及甯口口口相承
軒蓋重輝冕旒繼世入衛鉤陳出宰蕃岳台鉉相望珪璋疊影奔
口口蔚流聲策素案策素猶竹素或云即策素非伏願皇道雍熙景命維新駿奔
口馳戎渠交口行蘆歌德霜翬被澤圖錢再炳升平吉始凡厥蒼
生咸蒙斯福乃作頌曰

聖者啟脩學道求真國王非寶儲二匪珍捐妻施子棄若遺塵金
軀靡惜崑壑投身遂登正覺神通自然羣魔稽首靈冠諸天慈悲
万有光照大千苞綸曠劫仰之彌玄極極羣生有善有惡報應如

餐隨心降穰。磬茲悲果。庶免鼎鑊。覬拔幽魂。遷神妙樂。伏願皇家
景祚康延。解鞅桃林。釋轡華山。蒲車巖阿。訪逸求賢。孤竹舍薇。黃
綺執鞭。誅木旋設。諫鼓空懸。導茲邑義。采石嵩陽。是琛是育。樹此
福堂。勒碑啟像。跨躡崇風。德之皎皎。千載流芳。碑拓本

祝題文

東方青帝土公。青帝威神。南方赤帝土公。赤帝威神。西方白帝土
公。白帝威神。北方黑帝土公。黑帝威神。中央黃帝土公。黃帝威神。
某年月某日辰朔日。敬啟五方五土之神。主人某甲謹言。七月上
辰。造作麥麴數千百餅。阡陌縱橫。言辨疆界。須建立五王各布封
境。酒脯之薦。言相祈請。願垂神力。勤鑒所願。使出類絕蹤。穴蟲潛
影。衣色錦布。或蔚或炳。殺熱火燄。言烈言猛。芳馥椒熏。味超和鼎。
飲利君子。既醉既逞。惠彼小人。亦恭亦靜。敬告再三。格言斯整。神
之聽之。福應自冥。人願無爲。希從畢永。急急如律令。齊民要術七
案此文不

知時代姑
編入魏文

投書敦煌城東門

涼王三十年若七年魏書沮渠牧犍傳初太延中有一父老投書于敦煌城東門忽然不見其書一紙八字

戲嘲陽休之

有觸藩之羝羊乘連錢之驄馬從晉陽而向鄴懷屬書而盈把北史

四十七陽尼附傳有
人士戲嘲休之云

丹書

河西河西三十年破帶石樂七年魏書沮渠牧犍傳又于
震龍之所得石丹書

玉印文

富樂日昌永保無疆福祿日臻長享萬年魏書靈徵志下和平三
年四月河內張超于懷

舊所城北故佛圖處獲玉印
日錄印方二寸其文曰云云

外國

螭蟠阿那瓊

阿那瓌醜奴弟正光初嗣位爲其族兄俟力發所敗南走
歸魏封朔方郡公蠕蠕王孝昌初號敕連投兵豆伐可汗終魏
之世塞外無塵齊受禪後爲突厥所破自殺

乞給兵送還磧北啟

投化蠕蠕元退社渾河旃等二人言今月二十六日到鎮云國土
大亂姓別住迭相抄掠當今北人鵠望待拯今乞依前恩賜給
精兵一萬還令督率送臣磧北撫定荒人脫蒙所請事必克濟
蠕蠕傳正光二年七月

吐谷渾拾寅

拾寅慕延兄子

上獻文帝表

奉詔聽臣還舊土故遣良利守洮陽若不追前恩求令洮陽貢其

土物

魏書吐谷渾傳

車師國王車夷落

上書乞賑救

臣亡父僻處塞外仰慕天子威德遣使表獻不空于歲天子降念賜遺甚厚及臣繼立亦不闕常貢天子垂矜亦不異前世敢緣至恩輒陳私艱臣國自無諱所攻擊經今八歲人民饑荒無日存活賊今攻臣甚急臣不能自全遂捨國東奔三分免一卽日已到焉耆東界思歸天關幸垂賑救

魏書車師國傳眞君十一年車師王車夷落遣使疎進辭直上書

波斯國王居和多

上孝明帝書

大國天子天之所生願日出處常爲漢中天子波斯國王居和多

千萬敬拜

魏書波斯國傳神龜中遣使上書貢物

于闐國王

上獻文帝表

西方諸國今皆已屬蠕蠕奴世奉大國至今無異今蠕蠕軍馬到城下奴聚兵自固故遣使奉獻延望救援

魏書于闐國傳顯祖末蠕蠕寇于闐于闐患之

遣使素目伽
上表求援

賜進士出身二品銜廣東薛處提刑按察使司按察使兼管驛傳事務黃岡王毓藻校刊

全後魏文卷五十八終

全後魏文卷五十九

烏程嚴可均校輯

釋氏

釋僧懿

僧懿本名太興景穆太子晃之孫孝文時襲父爵京兆王拜長子鎮大將入爲祕書監改封西河王轉守衛尉卿表請出家孝文詔太子爲之下髮施帛二千匹賜名僧懿居嵩山太和二十二年終

伐魔詔

并序

夫生在三界恆爲四魔所嬈沈淪生死遍在六趣若一得人身及聞經法譬見優曇喻值浮孔尋惟聖教實開心目懿身處下流元希彼岸直因生有惡此漏身心去志恭徒然無補略因愚管除剿四魔昔在年幼嘗作破魔露布文雖鄙拙頗爲好事者所傳自遷

都之後寓在洛陽忽于故塔之中得此本文時值今國都師尚在金剛般若寺講聖賢經輒已呈示法師學涉內外甚好文彩乃更披經卷賜示魔事兼得擬符氏釋道安檄魔文共尋翫之復竭愚淺修改舊文更作平魔赦重薦法師更無嫌也但安公檄文直推天魔凡爲世患經列有四且天魔權變非浮情所能測煩惱陰死爲患實深輒更起伐魔詔慰勞文冠之于初是日前後不同又頗繁重冀信心君子兩得行之輒并編安法師檄文爲次合爲一卷門下僞魔逋誅于茲曠劫鷹鷂四山狼顧五道心頑縱毒常懷返噬固守一隅擁隔聲教自大通已降爰暨賢劫雖百王繼踵千聖相尋威懷百迭獎導千計猶不能遏彼邪心息此異見得使貪競相緣瘋癡互舉常結四生終歸六趣眷言斯瘼實用傷懷今原燎方通浸潤有漸無宜自寬已致顛覆可簡將練卒隨機殛撲勿使蒼生懷予復之歎主者告下時速施行

奉伐魔啟

臣信相等言奉被詔書如右臣聞見機者則承風已先附守迷者必加威而後降是已舜舞干戚有苗自縛于王庭目連援弓則金地相圍之日故能斬伏心王塞靜樓觀身被忍鎧手挈浮囊棄所保之貨賄設禪悅之名餽宴彼奇將集此雄勇志有所規則無往不摧心之所向則無思不服四魔區區焉足已規慮哉但今聚結未散事須平蕩輒依分處星焉宿駕謹重申聞請可付外施行謹啟

廣弘明集三十八

慰勞魔書

告三界五道有識羣生等夫曦和迭駕盲者尚迷其光雷霆震響聾者猶惑其聽雖照屬理均而稟受道異致令法音擁于殊聞慈光徹于異見昏烟相仍長迷永夜劫石有磷此緣無竭故我高祖愍此橫流心存拯溺體軀殊光口含異響開宏基于未前廓元覺

于有始故一闡洪猷則巨擘競馳再擇道教則羊鹿服御證無生
于曾襟戢寂滅于懷抱但年德推移心存靜定爰命皇儲紹隆大
業先帝藉此洪資纂我前緒積德三大累功塵劫心變冥機遊神
赴會身固舟囊凌波拯接出沒任情權旨自在故能超彼九劫降
此四天跨據一方威攝萬國八十年中刑措不用但時不我與聖
上遷化教迹道殊人懷異念卿等或是日種輪王世跨四域或是
月性高良忠貞不貳享三界之名宦保一時之榮祿但爵命難恆
時有否泰或因憍慢而喪家或由貪殘而失國故令後胤波流奄
然忘返遵彼邪源汎此愆悔而使天魔承襲作患于上方煩惱因
茲浸淫于下國或縈中陰于未生或馳五衰已告老終疲升降畏
勤往沒幕府因機傑起英略超羣緯文經武體真練俗承百王之
洪規稟萬代之遺則履道居彼龍象扣此津門方當馳光上下倏
騎八維總括羣邪羅絡萬有籠三界于一身抗百綱于無外推拔

須彌翻波巨海、顛倒宇宙、迴易日月、使人天倒懸、水陸焦沸、然後
塞其必我之心、開其千來之路、扇清風于塗炭、布同愛于無閒、平
蕩三途、攝茲四有、威已動之、福已綏之、葢爾小醜、焉足曰語哉、卿
等既爲所誤、沈淪日久、宜藉此時機、早建良圖、夫時難得而易失、
機尚速而後悔、若得時也、則福祿競臻、如失機也、則敗捷爭及、故
寶融享爵、事歸于先覺、公孫嬰戮、所敗于後機、此皆往事之高鑒、
當今之軌轍、且智者處危、已謀安、愚者臨成、已致敗、成敗安危、在
于時機、非降自天、抑亦人謀、今三車并駕、寶藏初開、懸重爵、已俟
功、設天官、已命哲、正是大士縱橫之秋、智勇獻功之日、與卿等同
發遐原、枝流異土、追維在昔、猶或依依、言念四魔、不覺撫劍、故先
遣白書、略陳成敗、曾改迷途、尋光赴命、相與齊轡道場、比肩輪下、
諮稟未聞、受教君子、友朋好合、不亦善乎、無宜大安、斯趣盤桓、遊
逸、恐此生滅相尋、有無繼作、若三毒一馳、則義無怨親、四凶互出、

則天壽俱翦。雖欲保全。其可得哉。今善牙已建。六軍啟途。出彼火宅。尋討未服。梟斬之期。非旦卽夕。幸體往意。時作出計。勿懷猶豫。濫嬰斯禍。臨路遣書。忽忽無盡。廣弘明集三十八

檄魔文

彌天釋道安頓首魔將軍輪下。相與雖復。玄徒殊津。人天一統。宗師雖異。三界大同。每規良集。伸其曩積。然標榜未宣。所已致隔。今法王御世。九服思順。靈網方伸。宏綱彌布。大通有期。高會在近。不任翹想。竝伸預意。釋道安頓首。夫時有通塞。否終則泰。千里相尋。萬師迭襲。昔我高祖。本元天王。體化應符。龍飛初域。杖權刑目。部萬邦。奮慧柯。目伏六合。咸蕩四邪。埽清三有。方當抗宏綱于八區。互靈網于宇宙。吏靜七荒。寧一九土。但冥宗不弔。眞容凝靜。重明寢輝。虛舟覆浪。故令蛇蠍煩興。梟獍競起。翳染眞徒。塵惑清眾。虐被蒼生。毒流萬劫。怪道有情。異心同忿。我法王體運。應期理物。上

藉高貴下託羣心秉玄機已籠三千握聖徒而隆大業雲起四宮
鸞翔天竺降神迦夷爲法城撫育黎元善安卿士匠導羣賢慰
喻有疾嚴慧柯于留中被神卸于身外愍十八之無辜哀三空之
路絕志匡大業情必平難百域干邦高伏風化承君久抱惑心重
迷自覆深執愚懷固守僞見狼據欲天梟鳴神闕畔換疆場抗拒
靈節謂天位可登洪規可改覽茲二三遠爲難息何者大通統世
則羣方影從而僞天魔不遵正節忤忤聖聽塵撓神心領卒塞虛
其形萬變精甲曜曦霜戈拂日靈鼓競襲響衝方外高步陸亮自
謂強威而王師一奮羣邪殄喪眾迷革心望風內附況君單將僥
然一介土無方尋眾不成旅而欲背理違常陵虛華邑篡奪靈權
勝常取信呂僞忝真可不謬乎今釋迦統世道隆初劫妙化堂堂
神羅遠御智士邕邕元算蓋世武夫龍超捉韃千隊協略應真奇
謀超拔故命使持節前鋒大將軍間浮都督歸義侯薩陀波崙獨

果天姿義陳玄覺神高須彌猛志籠世善武經文忠著皇闕領眾
四十萬億揚鑣路首故命使持節威遠大將軍四天都督初利公
導師曇無竭武勝羣標文超隨夏宏謀絕塵心栖夢表每憂時忘
身志必匡世領眾百萬億虎眈須彌故命使持節征魔大將軍六
天都督兜率王解脫月妙思虛元高步塵表略竝童真功侔九地
悼愍三塗忿君縱害援劍慷慨龍迴思奮眾五百萬億鸞鳴天衢
故命使持節通微將軍七天都督四禪天王金剛藏朗志虛元金
顏遐矚恩殊九錫力傾山海左顧則濛汜飛波右眈乃扶桑落曜
德無不施威無不伏領眾七百萬億雲迴天門故命使持節鎮城
將軍九天都督十地大王維摩詰奇算不思法柯遠震體合神姿
權象萬變呼吸則九服雲崩叱吒則十方風靡威被下愚慈辜酸
楚領眾九百億飲馬靈津故命使持節鑒復大將軍十九天都督
十住大士文殊師利承肖遐元形暉三曜身自金剛神高體大應

適千途元算萬計羣動感于一身眾慮靜于一念深抱慈悲情兼
四攝領眾塵沙翱翔斯土故命使持節匡敎大將軍十九天都督
錄魔諸軍事羣邪校尉中千王觀世音智略淵深慧網遐網明達
六通朗鑒三因或託跡羣邪耀奇峯起或權形二九息彼塗炭揮
手則鐵圍摧嚴噓吸則浮雲頽嶠能爲十方作不請之益領眾不
思風吟虎嘯故命使持節撫化大將軍十方三界大都督補處王
大慈氏妙質從容天姿標顯體踰金剛心籠塵表猛志衝天慧柯
遠奮無生轉于智中權智應千事外志有所規往無不就威恩雙
行眞俗竝說領眾八百萬億嚴駕待命勇士之徒充盈大千金剛
之士彌塞八極咸思助征席卷六合乘諸度之寶軒守八正之修
路跨六通之良馬捉虛宗之神轡彎四禪之良弓放權慧之利箭
鳴驥浩浩輕步矯矯撫劍飛戈長吟命敵而將軍累世重光匡濟
帝業歷奉聖庭曾無有闕貴卽導師身子五百幽鑒天命秉受王

化聖上開襟皆授名爵封賞列土功侔舊臣聲蓋萬域而君何心橫生異見偃蹇邊荒頑顧帝位毒害勃于蒼生災禍流于永劫可不哀哉可不謬哉君昔因時荒爲物所惑狂迷君心投僞外竄百行一愆賢達尚失久謂君覽智返愚歸罪魏象束身抽簪同遊羣僞曰道自娛榮名終始仍執愚守惑偷安邪位託癡山曰自高恃見林目遊思耽六欲之穢塵翫邪迷曰娛性建僑慢之高幢列無明之凶陣闊步長塗輕弄神器盜竄天宮抗拒日月恐不異舉手欲障三光抱土而填四海打鼓與雷爭音把火共電競耀雖擬心虛標事難就矣然將軍植德元津原承彌遠暉華昞然羣下矚目望貴之基易登由來之功可惜可改往修來翻然徠順誅過朱門與道齊好家國竝存君臣俱顯取名獲安曉日達觀眷屬晏然可不美與大師剋舉萬方矯轡手提法鏃齊撫慧劍道柯輝耀于前驅靈鼓震音于後隊神鐘一扣則十方遍覆海浪飛波則原陸湯

沸當爾之時、須彌籠爲微塵、天地迴爲一粟、無動安于左襟、妙樂
握于右掌、神力若斯、豈可當哉、我法王體大仁慈、未欲便襲、權停
諸軍、暫頓靈轡、臨路遣書、庶迴迷駕、可蚤定良圖、面縛歸闕、委命
王庭、逍遙閒境、上方宰任、非君而誰、夫聖人上智識機、明哲免禍、
窮而知返、君子所美、此乃轉福之高秋、取功之良節、昔夏桀無道、
殷王致伐、商紂首亂、周武建師、此則古今之常軌、將軍之明誠、相
與雖復形乖于當年、風流于道味、人天崎嶇、何足致隔、想便霍然、
隨書投命、所目切痛其詞、委曲往人者、不欲芳蘭夏凋、翠柯摧穎、
深思至言、善從良計、勿使君身傾住三概、勿使六天深生禾莠、迅
目仰眺、助情嗚然、臨紙多懷、文不表意、釋道安頓首頓首、
廣弘明
集卅八

魔主報檄文

大夢國長夜郡未覺縣廩語里六自在主他化皇帝報檄于高座
大將軍南閭浮提道綏撫大使佛尚書安法師節下、音耗自遠、喜

同暫接尋覽句味良用欣然方見大國之臣禮義高矣承將軍虛
心豁達密行淵元襟帶山河牢籠宇宙慮深宗廟憂及生民秀氣
千尋真心萬仞諒疾風之勁艸也亂世之忠臣也冀道遇則鄰彼
我非隔依從人事聊此報章昔周室既衰六國鼎沸漢朝運滅三
分天下或外夷侵叛毒被中原或內禍潛作殃及良善應期鵲起
逢時豹變有之自古豈止今日惟蒼生繫積上天降禍釋迦皇帝
奄然登遐哀纏臣妾悲淚率土皇太子彌勒養德心宮滿月停山
深叢隱藥數鍾百六之世將虧九五之君諸侯姦猾猜忌相處一
十八部敎軌參差九十六道罇俎迴互狼噬海濱梟鳴山曲左不
記言右不記事國憲朝典與霜露而凋零天璽帝璧同冰銷而葉
散臣怨民怒眾叛親離逃逝無歸踰嶺長往竊謂數屬太平沐浴
朝化時逢亂世濟難干戈蓋乃通人之權變也謹率義兵發憤忘
食竝登山拉虎臨河斬龍緯武經文輕身重義社稷是所不圖也

天位非所傾望也。直曰：心城無主，邪戲塵勞，沓瀝慾流，將心源而
共遠。恍惚大夢，與永夜而俱長。還因假寐，弔心伐罪，先遣聚沫大
將軍黃元侯率空華之卒，策陽炎之馬，卽乾城之隅，結浮雲之陣。
戈甲昱爍，弓戟參差，鋒刃未交，服兵先敗。次命接響大將軍絲竹
公領宮商之眾，據聲傳之谷，隨間隨翦。次命百和大將軍蘭麝伯
領馨香之旅，乘風扞陣，千里無雲。次命六味大將軍領肥美之卒，
爲面門都督，安滄溟之口，吞噓無遺。次命七嶠大將軍領細滑之
眾，戰鼓纒擊，身城瓦解。五軍前討，百戰恆捷。自天是祐，聲無不宜。
朕慮未窮巢穴，躬行問罪，戎衣旣整，出自空廬，發淵泉之智，動山
嶽之威。承妄想之兵，數盈兆載，竝潛神識海，隱影心山，命將元帥
案劍城旅，徵兵士卒，擎刀結陣，排空塞迴，烟飛霧集，莫不雄氣衝
天，吐妄雲于眞際，高風駭地，驚塵浪于性海，擊道品官軍霜夜扞
鐔，一心旣沒，還源無遠。六愛已然，宅火逾盛，縱橫翦掠，腹背羅討。

六奇三略先蘊曾襟百步千尺本無橫陣遂雲消霧卷吾道興焉
于是分官置職行我風化敕無廉驃騎虎踞貪山性澀將軍龍蟠
惺海贈恤之士水陸無寄敕繫地郎將置陰陽之府情厯駙馬觀
仇儷之兵愛水暫流身城被漬欲火纔發天廟遭燒繕性將軍已
從焚溺敕咆嘯校尉弓劍隨身鴆毒鷹揚戈戟在手嚴毅士卒警
固賄城使平忿將軍銷聲剗跡敕正勒御史且停監察隨眠武侯
安撫朝猷放蕩無明縱恣有待使精進一馬罷行四勤之路迦留
二箭不射三空之門勇猛將軍風煙歇滅敕覺觀大司馬置府初
禪邪思惟都尉列陣三有目心原未靜頻被風波禪枝欲茂再遭
霜雪安靜將軍埋身亂境敕我見行高鎮陀那之嶺惑山萬仞疑
成百重討返還迷問津天路使觀身實相伸如羊角緣寂安業密
若魚鱗故毒動狂子酒醒醉客覆真金藏隱肥膩草博通將軍兀
馬如醉斯則率土之濱皆吾民也今十軍意氣五將英雄乘機廢

立成國宗廟朕俛仰卽位臨軒御宇纂成王業握圖受命因弱之輪無際足擬金輪心與駿馱有餘聊充紺馬衣冠統二車書已一方扇長風于火宅奮高車于門外解釋甲冑與民更始將軍士卒竝亡智力俱喪路窮箭盡棄馬焚舟螻蜉舉臂良可愍也良可恥也豈盜跖率卒侵暴諸侯孔丘冒陳流汗反府卽將軍之明誠也皇太子彌勒代邸龍飛朕汗馬歸朝銜罪庭闕將軍見徵未敢聞命也情深筆短不能多白冀歸高君子相期于言外焉波旬頓首死罪

廣弘明集三十八

破魔露布文

廣緣將軍流蕩校尉都督六根諸軍事新除惡建善王臣心賑惠將軍善散子都督廣濟諸軍事臣施結性將軍勉欲界都督攝志諸軍事司馬臣戒平忿將軍蕩恚侯都督洪裕諸軍事行臺臣進安靜將軍志念都尉都督觀累諸軍事攝散侯臣禪博通將軍周

物大夫都督洞達諸軍事監照王智行宮謹案臣等間治靜泰平
兇徒有時日興化清去殺逆黨因之而作是日文命引狩于九圍
遇死魔于塗山頂生騰輪于六合值貪賊于忒利故使身滅知威
魂散閩越淪蕩他鄉退失尊位良由內挾姦邪外樹塵軌賞差信
功罰乖臣惡故也自世宗釋迦文皇帝晏駕固林脩餘千載太子
慈氏阿逸多有事兜率未遑紹襲法城暫空梵輪無主塵域外叛
沙州弗貢遂使三界風驚六天烽起邪徒詭說翻成異俗僞自在
天主賊王波旬稟質昏精體襲邪氣我慢在心愛結盈慮矯奪慧
命竊弄神器放縱欲界闖闢皇境且其正教陵替內外相違姊妹
同姦千千貳志三女邪蕩邀我上宮姿態未施自貽伊釐又波旬
既習小道頗有才辨復諛飾非好是譟怒不用順子之言專從佞
臣之計伺國間隙乘釁來侵僞結使大將諸煩惱等因聖道消運
鍾八百光音無間十纏斯作遂陳欲兵于愛海策疑馬于高原控

轡于一見之域馳騁于無明之境值聖則卷跡高栖遇惡則馳據
中區負險重關觀時而設或志求榮利假寐權門或忿忿威眾專
行毒害意氣稜厲固守方寸懦弱邊隅未識正剏方復假遣七使
傳車三障詭宣六條旨致殊俗愚者承教而濯纓智人棄之而澗
飲畜卒俟前儲烽候進僞四天大都督五陰魔等置宅于無始之
原卜居于有形之裏浮游于苦海之中放逸于火宅之畔竊號躬
身假署六腑偷榮瞬息耽樂時頑元首未幾徒役無算飢兵始卒
流川遍野怖士愁人互山滿谷同惡相求輯結一方異類羣聚開
兵三界僞署行臺有生賊王死觀兵五道置卒三途在生逆命處
老作寇五衰告期四生應世壅塞泉源杜絕颶災業力咆哮丁危
脆目先馳三毒趑趄策羣有而長逝安忍無親禍連九族威怒互
行戮及忠孝方乃忽聖誣賢欺眞枉正陷罪黎元羅絡凡庶妄計
若空目爲己有驟驚之勢謂固同金石者也自正月三十日黃昏

時有一人姓善字知識從道場來告云賊去此不遠宜急翦撲不
爾當爲大患臣聞此語未迷敬信單駕羊車轉軍化城深修澁柵
自備而已賊方于後夜遣一使來多貢珍異求結和好臣知此賊
勢若泡燄智計莫出意性狂勃難可親近弗與之言抱恨而去方
多設詭計欲來侵逼卽日月七日向晨出方便門頓解脫處馳信
郵召深入徵羣迷召出海纂集三昧召致一壺冀蕩五陰戒清諸
有賊方恃固一川拒抗皇威其水彌漫廣深難際又值旋嵐傾勃
雹霰瀉注擊浪揚波海神競涌七等雜類或飛或沈夜又守途羅
剎波津不警流輦覆沒善財其欲溯泳鮮不沈溺又臨折阻湍大
築城壁壁立隍峻險閣惟有一門四垂幽谷一人執戈萬夫懾志
四果怯憚辟支戰慄遂集眾唱識規望進擊驟度能僉曰或可卽
勒軍士爲渡水故備取諸草木編召爲棧附令抱踏橫波直進臣
等手案浮囊泝流而往固護無非遂登彼岸部分將士修備兵車

齊心戮力驅馳往撲卽遣安靜將軍領觀累之卒據散亂之原又使平忿將軍率洪裕之兵塞怒谷之口復令賑惠將軍引廣濟之眾截慍貪之路更勒博通將軍整洞達之士守狂癡之徑督師羅張四面交侵積戰告捷不月而三行臺恐眾懈怠不得競進乃催厲六軍置阿惟越地而餘燼遊魂偷安他化驅率犬羊欲來拒戰乃假虎兕目爲威招能罷而自衛異首別面之徒吐風火而待發擔山戴樹之類方蟻聚曰齊衡希進皇家應符受命啟土塵劫疊聖重光享祚無窮先帝鼎湖之日顧命愍愍專令文德已來不許戰爭而致幕府受詔之初依敕而行略設六奇斷絕而已但狂豎勃張散亡逆節雖遣逸多曉喻都無悛心乃更命將大權徵兵十萬嘗未浹辰大淨邠土資無畏曰履身兼眾好而獨拔龍蟠道樹虎視娑婆十號一宣則四八應期言教暫設則二九雲集遂擊法鼓而出三空建慈幢曰臨八難講武大千曜威萬域神戈暫指則

魔徒失膽慧劍一揮則羣邪俱斃現道身而斬魔因般若目戮煩
惱推波旬于不動之林滅五陰于計性之境然後磨巢守穴于不
到處巡伏隱身者唯一人而已遠處膏肓非勇力攻及也遂乃竄
生死于寂滅之原流老病于常樂之境排三障于六通之衢投十
使于薩婆之域元兇既梟徒黨伏誅自餘從者並不追問諸有誠
心先款者悉令解甲去鋒編戶民例授曰遠號移之樂土爲拔五
箭竝曰善醫療除垢病施慧湯藥于時業風息吹六塵勿起祥雲
四舒靈禽翥翼引八部而自娛嚴四七目守衛垂拱開堂無爲而
已大覺天王等好尚風軌志存拔擢援昔舊謨懇懇諫誥辭不獲
免默許數奏爾乃開甘露門出入正道千幅雲迴來儀鹿苑四天
獻器于高掌二商薦肴于兩謂故緣行錄勲則陳如先封眞諦開
賞則邪舍繼襲或朋類蒙榮或兄弟感澤皆不肖于初表有德于
十地依準古禮巡省方嶽振旅六城治兵八國理怨于三天之上

間罪于九地之下、徵其傑于十中、會萬國于鷲嶽、華佗剋臻、異十
勇出、于是啟寶藏、已賑貧窮、出三車、已給諸子、撫綏黔黎、盡皆復
業、乃身安一乘、心固磐石、據林岫水、宣揚皇澤、依恆說進、召集米
賓、仁風雨宇、道光遐照、四面交通、化流無外、聽訟于中路之域、決
判于寶山之所、無量之威、遠震城嶽、無礙之智、洞徹山河、故士無
二統、車書一軌、日月重光、天地清朗、六萬之眾、解長圍、目從正、十
仙之徒、棄大河、已就秩、不動之賢、不遠千里、意樂之哲、應感而至、
工人率簞食于戶、城捷獸奉壺漿于長源、內外剋清、表裏咸泰、實
由道音四敷、餘波東訓、主上至心、羣僚深敬、稟承神規、殄茲兇醜、
豈臣智力所能剋感也、冀憑此一勳、漸望更進、方事前計、凱旋未
日、竝露布已聞、臣等死罪死罪、廣弘明集三十八

平魔赦文

門下首領同領、日承異緒、隆隆代興、信背千途、故智勝標宗、歷應

劫而尚三、燈明啟教、經九中而未一、況乃邪徒僞見、駕刺轅于自然之原、結賊妄根、御形色于顛倒之境、目茲偏師、抗衡中道、眷言一二、良用慙然、自先帝升遐、寶祚無主、清風漸歇、靈教異設、僞靡乘閒、充斥神邑、假變真容、妄談空有、驅役四生、周還六趣、畔渙欲天、狼戾愛地、毒被邊荒、虐流華夏、雖獫狁之侵宗周、凶奴之陵炎漢、未爲喻也、朕曰神昧、主自塵劫、幼齒參元、弱冠從政、班名于大通之年、驅騁于賢劫之下、荷百億之重任、忝三界之特尊、人天樂推、無所與讓、遂陟靈壇、受茲封禪、顧唯多闕、有慚庶政、明發孜孜、不遑啟處、常恨邪境未清、正教無一、致使羣生沈淪魔境、每一撫念、用廢寢食、遂命將徵兵、目清時難、上藉三昧之土、下憑六度之師、控清方夏、大戡荒服、故六軍雷動、則三有雲消、慈施電馳、則四凶面縛、降附若塵、生擒萬計、唯波旬一人、單馬奔迸、百道截羅、繼不久、且令五道告清、宇外咸一、思與天下同茲福慶、可大赦天

下與同更始、改像教之號、爲卽眞之歲、自二月八日昧爽已前、幾
組見徒、悉皆原放、若爲四魔所誤、浮游三界、犯十惡五逆、毀經壞
像、三世所作、一切眾罪、能改過自新者、不問往愆、若亡命慾山、挾
藏姦器、百劫不自首者、伏罪如初、其殺父害君、傷兄烝母、隨時投
竄、自息後犯、其闡提一人、不在赦書、擯罪遙責、神速可乘、意驛遍
告十方主者、施行

廣弘明集
三十八

奉平魔赦文啟

卽眞元年二月八日、中書令補處王臣逸多宣、臣文殊等言、奉被
詔書如右、臣聞毀忠謫善、經千葉而不無、邪臣逆子、歷百代而常
有、是日三監流言、伏罪于明時、五世背道、甘誅于聖世、故王威必
震、慶當于周邦、正教暫加、福歸于露鼓、伏惟陛下、慈兼百王、智齊
千聖、秉瑞靈津、握圖元化、出沒動于大千、馳騁應于羣有、服微形
日引愚迷、吼法音日警聲俗、至乃刎身志道、釘體求經、析骸質禽、

委命降獸捨塵劫之危體收一生之妙質龍潛四天利見閭浮輕
彼七寶重此一乘撒翫深宮滅膳河側去寶冠于苦林貿法衣于
獵士故能駕御四禪時乘六度殄服羣邪易于返掌三界無熾然
之警四生絕深溺之憂方復情存解網志尚宥愆十八來蘇萬國
幸甚謹重申聞詣可付外施行謹啟

廣弘明集
三十八

平心露布文

卽眞元年二月八日侍中臣文殊師利侍中臣薩陀波崙黃門臣
獅子吼黃門臣舍利弗黃門臣須菩提擬唯釋道行軍府謹奏平
心露布事擬使持節儀同三司領十二住本將軍唯釋道行軍元
帥上柱國晉國公臣般若等言臣聞四魔放命歷代已之爲鯁五
住遊魂含識因其致患是曰三明聖智十力雄尊莫不屢動偏師
頻行薄伐伏惟陛下乘大慈而啟運應冥感而赴期奄宅神區光
臨法海述前王之令典演眾妙于圓音攷列聖之玄謀會羣生于

淨國三千刹土、共稟威靈、百億類洲、同遵聲教、唯有僞心主阿黎耶識、擅假名器、叨竊生民、跨有乾城、綿歷年祀、逐窮迷于夢境、長夜不歸、縱極亂于空花、終年如醉、權攀緣爲藩屏之任、引戲論爲帷幄之臣、陷溺黎元、干擾鋒鏑、陛下應真利物、調俗御民、念此鯨鯢、愍斯塗炭、遂詔臣揚旌色野、問罪心庭、臣敢效庸虛、稟承奇略、去四月十六日、軍次心境、卽日其夜初更、與賊相見、臣于是潛機密會、玄契冥馳、集戈船于六度之津、命戎車于一乘之轍、屯營三月、揚清梵日、伸威、列陣九旬、擊鳴鐘而作氣、阿黎耶識固重昏而莫曉、報窮計而不移、譬螳螂之拒輪、等蜂蠆之含毒、乃遣僞恆行大將軍阿陀那識率無名之子弟、恃無賴之曾襟、據守乾城、與臣抗敵、又遣僞自性大都督迦毗羅仙僞執此大將軍迦旃延子、招引烏合、聚結蟻徒、搖蕩邊郵、邀揚聲勢、臣遂分布諸將、指麾策、遣擬使持節拔塵大將軍領四念處諸軍事、率道品縣開國公臣

求知擬使持節靈境大將軍領八正道諸軍事通眞縣開國公臣如實知部勒驍雄星流電轉從方便諸道靜緣邊之界臣求知等尋名討義躡影追蹤仁橫行于密室之間或轉戰于鄰虛之際事窮理絕域盡途殲冥宗所旨冰消數論于斯瓦解迦毗羅等知大乘之有在識玄統之所歸各將羸卒數千咸來請命臣哀其晚悟許旨自新卽令慈悲觀道士畢無緣隨便安養僞諫議大夫郅誦懷逸羣之思負出世之奇將全國旨效忠反危身而被繫臣以此月十五日夜挾中軍之勇氣乘外敵之離心手抗干戈躬先士卒爰命擬使持節兜率大將軍娑婆道招慰大使上柱國翅頭末闍國公臣阿逸多擬使持節閭浮大將軍天竺大都督天竺諸軍事上柱國富婁沙開國公臣婆敷槃豆並目道邁三空神遊四辯使其招揚勝負曉喻是非又遣擬使持節平等大將軍兼行軍長史上柱國清涼縣開國公臣正念擬使持節遍滿大將軍兼行軍司

馬上柱國常樂縣開國公眞如與臣表裏玄同更相應接于斯時也邊秋氣爽塞月光寒旌旗共雲漢齊高鋒鏑與霜天比淨被弘誓駕圓通超兩觀而爭前排千門而竝入雖生死無際一念觀其濱涯塵勞有傳須臾見其崩潰僞丞相陳顯僞僕射盧思無計求生閨門自縊僞司空師子鎧僞司隸達磨多羅各擁餘師自嬰深壘狐疑競起猜詐萌生忍顛危而不見扶遂淪亡而莫能濟阿陀那與其僞主外無強援內寡深謀師旅困窮城池陷露君臣失色進退無依銜壁叩頭輿轎待罪臣卽梟陀那之首釋郅誥之囚廢彼昏王立其賢嗣方使宗禪不絕永爲茅土之君世德相承恆修職貢之禮于是氛祲開蕩若和氣之泮春冰醜穢殲夷侶涼風之卷秋籜六根超絕不開亭障之虞三界寂寥無復風塵之警斯乃威光遠被士眾齊心豈臣微劣所能致此不勝慶快之至謹遣厚德府別將臣隰重知奉露布馳驛已聞廣弘明集三十八

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後魏文卷五十九終

全後魏文卷六十

烏程嚴可均校輯

釋氏二

釋法生

法生宣武時洛陽沙門

造像記

夫抗音投澗美惡必酬振服依河長短交目斯乃德音道俗水鏡
古今法生微逢孝文皇帝專心于三寶又遇北海母子崇信于二
京妙演之際屢叨末筵一降淨心忝充五戒思樹芥子庶幾須彌
今爲孝文并北海母子造像表情目申口口口生曰始王口口口
夙口歸功帝主乃品眾生一切同福魏景明四年十二月一日比
已法生爲孝文皇帝并北海王母子造

碑拓本

惠溪

惠深宣武時爲沙門統

上言立僧尼制

僧尼浩曠清濁混流不遵禁典精麤莫別輒與經律法師羣議立制諸州鎮郡維那上坐寺主各令戒律自修咸依內禁若不解律者退其本次又出家之人不應犯法積入不淨物然經律所制通塞有方依律車牛淫人不淨之物不得爲己私蓄唯有老病年六十以上者限聽一乘又比來僧尼或因三寶出貸私財緣州外又出家捨著本無凶儀不應廢道從俗其父母三師遠聞凶問聽哭三日若在見前限日七日或有不安寺舍遊止民間亂道生過皆由此等若有犯者脫服還民其有造寺者限僧五十以上啟聞聽造若有輒營置者處以違敕之罪其僧寺僧眾擯出外州僧尼之法不得爲俗人所使若有犯者還配本廩其外國僧尼來歸化者求精檢有德行合三藏者聽住若無德行遣還本國若其不去依

此僧制治罪

秘書省志永平二年沙門統惠深上言詔從之

優波扇多

優波扇多一作伏陀扇多北天竺人宣武時傳譯法師

法勝阿毗曇心論序

今欲解釋阿毗曇心利益弟子故問曰不須解釋所曰者何古昔論師已釋阿毗曇心利益弟子故不須釋答曰不然應須解釋所曰者何古昔論師雖釋阿毗曇心太廣大略彼未學者迷惑煩勞無由能取我今離于廣略但先顯修多羅自性是故須釋問曰何故釋阿毗曇心利益弟子邪答曰彼中已說不顛倒法相釋不顛倒法相令彼覺悟真實是故離諸過惡生諸功德得勇猛第一義利問曰若如是者隨意解釋答曰我當解釋但諸師造論曰吉爲初一切吉中三寶最勝是故本師爲顯三寶少分功德故于論初先說此偈

釋藏承五

釋法術

法術宣武時洛陽沙門

造定光像記

永平三年四月四日比丘尼法術能用敬心造定光石像一區并
二菩薩口願永離口口無有苦患願七世父母口緣眷屬現在師
口亦口共福普令一切眾生成同斯慶

碑拓本

僧略

僧略宣武時洛陽沙門

造彌勒像記

永平四年十月七日他和寺尼道僧略造彌勒像一區生生世世
見佛問法清信女周阿足願現世安隱一切眾生普同斯願

碑拓本

慧暘

慧暘孝明時洛陽沙門

造彌勒像記

正光三年九月九日比丘慧暘仰爲皇口大口師僧父母兄弟姊妹一切眾生敬造彌勒像一區願同時成佛

本碑拓

菩提達磨

菩提達磨姓刹帝利天竺王子梁大通元年即普通八年來至東土

卽普通八年

來至東土。

與梁武語機緣不契度江來歸止嵩山少林寺明年終

大通二年即孝

莊建義
元年

梁武帝追慕爲碑昭明爲祭文是爲初祖

眞性頌

國學研究會
 整理國學
 始創
 常務理事
 彭振真
 莊子

頌二十字回環讀成五言四
十首每首用韻四至俱通

釋曇曇

曇曇、永熙中沙門都法師。

深密解脫經序

夫至迹虛微、理包言像之外、幽宗沖祕、旨絕名相之域、是曰大聖
秉獨悟之靈姿、鏡寰中之妙趣、實相廓然、與虛無齊其量、法性憺
爾、與幽冥同其源、神輝潛應而不滅、萬相俱應而不生、然此之生
也、生所不能生、此之滅也、滅所不能滅、顯既非有、隱豈爲無、寂焉
而動、動焉而寂、出沒無方、敘迹星羅者矣、蓋深密解脫經者、乃兆
聖之玄源、億善之淵府、論其旨也、則真相不二、語其教也、則湛然
理一、義盡沖籍、文窮祕典、妙絕熙怡、包括羣藏、自非詮于理教、何
已、顯茲深致、但東西音殊、理憑翻譯、非翻非譯、文義斯壅、所曰久
縊而不顯者、良俟嘉運而光通矣、大魏皇帝總六合、曰統天、包百
王、曰敷宇、道邁羲唐、德超古哲、而每遊神覺典、妙觀大乘、思在翻

演鴻宣遐代時有北天竺三藏法師菩提留支魏音道晞曾爲此
地之沙門都統也識性內融神機外朗沖文玄藏固不該洞已永
熙二年龍次星紀月呂蕤賓詔命三藏于顯陽殿高陞法座披匣
揮塵口自翻譯義語無滯皇上尊經祇法執翰輪首下筆成句文
義雙顯旨包羣籍之祕理含眾典之奧但萬機淵曠無容終訖捨
筆之後轉授沙門都法師慧光曇靈在永靈上寺共律師僧辯居
士李廓等遵承上軌歲常翻演新經諸論津悟恆沙帝亦時紆尊
儀飾茲玄席同事名儒招玄大統法師僧令沙門都法師僧澤律
師慧顯等十有餘僧繼俗說說法事隆盛一言三覆慕盡窮微是
使深密祕藏光宣于景運解脫妙義永流于遐劫理教淵廓罔測
其源旨趣中絕焉究其宗所謂鹿苑之唱再興祇園之風更顯者
也靈雖識昧忝廁倫末敢罄庸管祇記云爾

釋藏
常三

釋僧演

僧演西魏洛陽法師

造像記

夫大覺神遷、非經像無以表其真、益世閭時、憑形質如取利、然僧
演減割衣鉢之資、造石像壹區、金像三區、浮圖三級、大般涅槃經
兩部、雜經三百部、供養僧廿人、上爲國主百僚、師徒所生法界之
類、咸同正覺、大統四年歲次戊午七月十五日、比丘僧演敬造供
養。碑拓本

洪寶

洪寶東魏務聖寺沙門

張法壽造像銘

夫靈真玄廓、妙絕難測、非言莫能宣其旨、非像無以表其狀、言宣
二六之教、像迹四八之躋、豈不淵玄沖漠、巍巍惟極者哉、是日務
聖寺檀主張法壽、能于五蓋重羅之下、契斷恩愛塵勞之縉、緇于

熙平二年捨宅造寺。宿願誓像。福不止已。願度法界。尋其羅絡。情
苞聖境。自非藉因。積劫莫貴。累世者孰能發茲宏闊。善行者焉息
榮遷脩和。行慈仁孝。世習精懿。志慕幽寂。妙真遐願。刊石建像。釋
迦文佛。觀音文殊。仰述亡考。平康舊願。復于像側。隱出無量壽佛。
福洽法界。考妣等神。捨茲質形。悉稟淨境。同曉障雲。覺道成佛。大
魏天平二年歲次乙卯四月十一日。比丘洪寶銘。碑拓本

釋僧昉

昉與和中鄴城沙門

解脫戒本經序

戒律者。建定慧之妙幢。殄闇惑之明燈。杜危嶮之蹊徑。開澹泊之
梁津。寶殿之功。罔初弗起。踰越重閭。非梯靡升。正法住滅。驗之常
典。大聖泯暉。邁餘千紀。法澤遐流。猶未周備。令文學之徒。異論競
興。薄俗之士。訕音滿世。余聽斯談。輒闡慈範。昧攬玄言。乃囑大集

聖所嗟歎言迦葉毗妙觀我人善摧惱結閑邪辯正極聖冲典每
尋斯文慨五數闕敢召追訪獲斯戒本雖未廣具敬召洗心翦世
浮辭大魏武定癸亥之年在鄴京都侍中尙書令高澄請爲出焉
釋藏傳九

曇林

曇林興和中鄴城沙門

善住意天子所問經翻譯記

夫法留正像惟聖是依季行于此非賢豈伏三藏法師毗目智仙
出自烏菴刹利王種幼履慈蹤長臨悲跡攝化羣迷誠惡導善常
爲眾生不請之友執此法燈照彼昏暗魏皇都鄴崇福召資興和
二年歲次實沈佛法加持出此經典名善住意天子所問建午閏
月朔次丁丑戊寅建功乙巳畢功助譯弟子瞿曇流支對譯沙門
曇林之筆庶俟存道敬法之賢如寶印記示令不惑耳

釋藏
卷九

迴譯論翻譯記

迴譯論者龍樹菩薩之所作也。數舒盧迦三十二字。此論正本凡有六百。大魏都鄴興和三年歲次大梁建辰之月朔次癸酉辛卯之日。烏菴國人刹利王種三藏法師毗目智仙共天竺國婆羅門人瞿曇流支在鄴城內金華寺譯。時日所費二十餘功。大數凡有一萬一千九十八字。對譯沙門曇林之筆。驃騎大將軍開府儀同三司御史中尉勃海高仲密啟請供養具記時事。曰彰曰聞。令樂法者若見若聞。同崇翻譯矣。釋藏華三

業成就論翻譯記

大國將寧必感靈瑞。曰爲喜兆。鄴隍方盛。聖降神寶。曰爲祥徵。天親菩薩造業成論。出于今世。曰示太平。此乃大魏都鄴安國之兆也。法行有時。寄必得人。興和三年歲次大梁七月辛未朔二十五日。驃騎大將軍開府儀同三司御史中尉勃海高仲密眾聖加持。

法力資發、誠心敬請三藏法師烏菴國人毗目智仙、其天竺國婆羅門人瞿曇流支、釋曇林等、在鄴城內金華寺譯、凡四千八百七

十二字、

釋藏
卷九

轉法輪經翻譯記

轉法輪經、如來初說優波提舍義門之名、天親菩薩之所開示、佛說爲誰憐陳如等、義行此方、必主其人、魏驃騎大將軍開府儀同三司御史中尉渤海高仲密、善求義方、選真棟樑、故請法師毗目智仙、并其弟子瞿曇流支、于鄴城內、在金華寺、出此義門優波提舍、興和三年歲次大梁建酉之月朔、次庚子十一日、譯三千九百四十二言、沙門曇林對譯錄記、

釋藏
卷十一

三具足經翻譯記

施戒問三、備攝眾行、是曰如來說名具足、法門深邃淺識未窺、天親菩薩慈心開示、唯顯經義、弗釋章句、是故名爲優波提舍、昔出

中國今現魏都三藏法師毗目智仙婆羅門人瞿曇流支愛敬法人沙門曇林于鄴城內在金華寺興和三平歲次辛酉月建在戌朔次庚午十三日譯千百十言驃騎大將軍開府儀同三司御史中尉渤海高仲密啟請供養守護流通

釋藏造十

毗邪娑問經翻譯記

菩薩方便攝化眾生必目大悲引邪從正毗邪娑仙即其人也爲導羣迷令識因果將諸異見至如來所歸命諮啟聽聞正法因其請說即已名經故因此部爲毗邪娑問魏尚書令儀同高公愍諸錯習示其歸則簡集能人善辭義者在宅上面出此經典求正法人沙門曇林婆羅門名瞿曇流支興和四年歲次壬戌月建在申朔次乙丑建功辛巳甲午畢功凡有一萬四千四百五十七字

九推

奮迅王問經翻譯記

一切菩薩功德普修依德立名字號平等隨所顯發稱謂不同說法問論多依自字故奮迅王問奮迅法如來爲說四種奮迅其有人能具此奮迅則于一切皆能奮迅魏尚書令儀同高公今欲目此四種奮迅于一切處普奮迅故置能譯人在宅上面出此四種奮迅法門沙門曇林瞿曇流支興和四年歲次壬戌月建在申朔次乙丑甲午之日啟夾創筆凡有一萬八千三百四十一字

釋藏發九

金色王經翻譯記

釋迦如來本生無量且于一時作金色王檀行因緣自致成佛說施法門引彼爲證因名此經爲金色王魏尚書令儀同高公敦捨之心往齊金色爲開此門普示一切嚴宅上面出斯妙典沙門曇林瞿曇流支興和四年歲次壬戌月建在酉朔次乙未癸丑日譯乙卯畢功三千五百一十四字

釋藏忘九

第一義法勝經翻譯記

夫愛法者必深種善根涅槃經云供佛二恆魏尚書令儀同高公重法心成生上財想博采梵文廣崇翻譯且第一義法勝經者諸法門中此其髓也公意慇誠感之題額沙門曇林瞿曇流支興和四年歲次壬戌九月一日甲子換文始末四功質美乃定五千五百七十六字釋藏貞七

順中論翻譯記

諸國語言中天音正彼言那伽夷離洎那此云龍勝名味皆是上世德人言龍樹者片合一箱未是全當龍勝菩薩通法之師依大般若而造中論眾典于義包而不悉大乘論師名阿僧佉解未解處別爲此部魏尚書令儀同高公延國上賓瞿曇流支在館供養正通佛法對譯曇林出斯義論武定元年歲次癸亥八月十日丙寅揮辭凡有一萬三千七百二十七字釋藏移四

寶髻經四法優波提舍翻譯記

寶髻經者是大集中之一集也其宗四法玄深奧密天親菩薩略開其門是故名爲優波提舍聖自在力行之彼古時人處會出于此今興和三年歲次辛酉九月朔旦庚午之日烏菴園人刹利王種三藏法師毗目智仙中天竺國婆羅門人瞿曇流支護法大士魏驃騎大將軍開府儀同三司御史中尉渤海高仲密愛法之人沙門曇林道俗相假于鄴城內金華寺譯四千九百十七字佛十

不必定入定入印經翻譯記

出世智道亦名爲印此經印義或然不然私情有指未許官用何者私情今且當向發心修行證會名入所乘強劣有定不定聖說定入說不定入言義如是決定名印說如是故名如是經其門要密通必有寄魏尙書令儀同高公深知佛法出自中天翻爲此典萬未有一采揀集人在第更譯沙門曇林瞿曇流支興和四年歲

次降魔、月建在戌、朔次甲子壬午之日、出此如左、九千一百九十

三字、釋藏法

闕名

道行經後記

光和二年十月八日、河陽洛陽孟元士口授、天竺三菩薩竺一朔佛時
傳言、譯者月支菩薩支謙、時侍者南陽張少安、南海子碧勸助者
孫和周提立、正光二年九月十五日、洛陽城西菩薩寺中、沙門佛
大寫之、釋藏跡七

正法念處經序

夫域中之名四等、道之所生萬殊、名蓋眾名之假、生非有生之實、
然則修促共盡、小大同期、而金字絲編、緗交素篆、分途列道、門張
戶設、既昧斷惑之境、未接息言之路、詎能探神測妙、苞總無邊、有
聖將應、靈因曠遠、志遺髮膚、施單城國、及繁星駐、採夕馬騰空、出

四門曰結念屬三夜而圓果十力在己八解俱照智兼一切慈洽
萬方既而法吼傍震甘露降灑鷺山祇樹之下鹿苑遶河之地眾
出恆沙徒繁林竹反窮迷目升極啟重昏于燈炬雖鵠林興慕檀
薪已然教義不忘風聲逾被壽陵仰丹素之工清臺寫金玉之質
冰骨流輝圓閭加等遺契餘旨薄傳前載幽宗絕唱方備茲辰使
持節大將軍領中書監攝吏部尚書京畿大都督渤海王世子高
公道風虛邁神矜峻遠負日月于中衛擊雷霆于上路德表生民
作舟梁于夷夏器含羣物制天淵于廟堂殊流共委酌而不竭異
軫同驚仰曰知歸黃扇南陽鈴閣東啟則有高士通才幽人偉器
機其漢爵之重鄙其南岳之遊曳裾高步自得門下俱中前趣之
理並應卻行之眷蓋曰書奏多方術呈異等或披卷而止或一貫
獨得每畱神釋典洞叩玄門曰夫照壁瀉瓶遺文必舉非徒九部
盡止十二湯矣西方路超百宿精力苦心不憚重載故能法藏流

行異聞俱湊、爰有舍城妙說、時將感通、法螺貝藥、響授斯在、從善
業之本、極身念之際、標品有七、明義者五、至如違俗絕世、託想菩
提、眷彼天人、深嗟鬼畜、鑒茲因果、冥心是緣、篤誠修行、又悟前旨、
載懷依仰、形殊理一、大覺下臨、照然獨曉、四攝六通、網羅羣智、贊
揚妙德、事屬斯文、直旨風殊俗舛、詞翰乖絕、傾耳注目、隔若山河、
將恐靈教有虧、玄旨多墜、有婆羅門人瞿曇流支、比丘曇林僧昉
等、竝鉤深索隱、言通理接、延居第館、四事無違、乃譯明茲典、名正
法念處、起自興和歲陽玄默、終于武定淵獻之年、條流積廣、合七
十卷、微言不沫、弘之在我、大崇覺典、克宣靈迹、此乃濟四部于法
橋、溯六塵于定水、心殷業重、無德而言、雖龍樹不追、馬鳴日遠、申
法尊道、夫豈異昔、所已緇素擊節、雅俗傾首、義有存焉、永法三界

云爾

釋藏
非一

道士

嵩岳鎮靈集仙宮主

表天曹

自天師張陵去世已來地上曠誠修善之人無所師授嵩岳道士

上谷寇謙之立身直理行合自然才任軌範首處師位

魏書釋老志寇謙之

宇志嵩岳曰神瑞二年十月乙卯忽遇大神乘雲加龍集止山頂稱太上老君謂謙之曰往辛亥年嵩岳鎮靈集仙宮主表天曹

云云

李講文

譜文號收主師自云老君之玄孫于漢武之世得道為牧土宮

王

授寇謙之為內宮太真太寶九州真師誥

吾處天宮敷衍真法處汝道年二十二歲除十年為竟蒙其餘十

二年教化雖無大功且有百授之勞今賜汝遷入內宮太真太寶

九州真師治鬼師治民師繼天師四錄修勤不懈依勞復遷賜汝

天中三眞太文錄、劾召百神、曰授弟子文錄有五等、一曰陰陽太宮、二曰正府眞官、三曰正房眞官、四曰宿宮散官、五曰竝進錄主壇位禮拜、衣冠儀式、各有差品、凡六十餘卷、號曰錄圖眞經、付汝奉持、轉佐北方泰平眞君、出天宮靜論之法、能興造克就、則起眞仙矣、又地上生民、末劫垂及、其中行教甚難、但令男女立壇宇朝夕禮拜、若家有嚴君、功及上世、其中能修身練藥、學長生之術、卽爲眞君、魏書釋老志泰常八年十月戊戌有收主師李諧文來臨嵩岳遣弟子宣教云嵩岳所統廣漢平土眞君里曰授謙之作誌日云云

寇謙之

謙之字輔眞上谷人南雍州刺史讚弟入嵩山修道稱天師始光初至京師崔浩師事之太平眞君九年卒

奏請至道壇受符

今陛下曰眞君御世建靜輪天宮之法開古曰來未之有也應登

受符書曰彰聖德

魏書釋老志貞
君三年謙之奏

賜進士出身一品銜廣興等處提刑按察使司按察使兼管驛傳事務黃岡王毓藻校刊

全後魏文卷六十終